

## U G O V O R

**o pružanju usluga - " Catering za potrebe dvije sjednice Skupštine SERDA-e, potrebe projekta „Projektna akademija“ i slične događaje „**

1. **Sarajevska regionalna razvojna agencija SERDA d.o.o. Sarajevo**, Kolodvorska 6, koju zastupa direktor dr. Ševkija Okerić, (u daljem tekstu: Ugovorni organ) i
2. **UR „ŽARA IZ DUVARA“ Sarajevo**, ul. Dženetića čikma bb, Sarajevo, koju zastupa vlasnica Sabina Osmanović (daljem tekstu: Pružalac usluga)

### Član 1.

Predmet ovoga Ugovora je pružanje usluga za potrebe SERDA d.o.o. Sarajevo, koje uključuju *Catering za potrebe dvije sjednice Skupštine SERDA-e, potrebe projekta „Projektna akademija“ i slične događaje* do 2000 obroka u trajanju od jedne godine, a prema ponudi Pružaoca usluga UR „ŽARA IZ DUVARA“ Sarajevo, broj: 1/18 od 08.11.2018. godine.

### Član 2.

Pružalac usluga se obavezuje da će Ugovornom organu pružati usluge - Catering za potrebe dvije sjednice Skupštine SERDA-e, potrebe projekta „Projektna akademija“ i slične događaje u trajanju od jedne godine do 2000 obroka.

Meni za jedan ručak sadrži: glavno jelo, salata i desert.

Pružanje predmetnih usluga će se odvijati periodično, odnosno kontinuirano po potrebi: mjesečno 5, 10, 15 i 20 dana, a broj osoba od 10 do 50 što zavisi od broja prijavljenih kandidata za Projektnu akademiju ili broja prisutnih osoba na sjednicama i sličnim događajima.

### Član 3.

Cijena usluge jednog obroka iznosi 11,718 KM bez PDV-a, odnosno 23.436,00 KM za 2000 obroka bez PDV-a, za jednu godinu.

Pružalac usluga nije obveznik PDV-a-Uvjerenje UIO BiH broj: 04/5-1/II-17-109-5554/18.

Plaćanje će se vršiti na račun Pružaoca usluga u roku od sedam dana nakon izvršenih usluga /za broj održanih dana edukacije Projektne akademije, održane sjednice ili drugog događaja/ i dostavljene fakture, a prema stvarnom broju osoba i obroka.

### Član 4.

Pružalac usluga se obavezuje da će ugovorene usluge pružati u periodu od jedne godine, računajući od dana potpisivanja Ugovora od obje strane potpisnice Ugovora.

Mjesto pružanja usluga je u prostorijama SERDA d.o.o. ili prostorijama Pružaoca usluga na bazi cateringa-švedskog stola.

### Član 5.

Ovaj Ugovor stupa na snagu danom potpisivanja od strane obje ugovorne strane.

## Član 6.

Za svaki dan zakašnjenja Pružalac usluga se obavezuje da Naručiocu na ime ugovorene kazne plati pet (5) promila vrijednosti neizvršenog dijela posla, a najviše 5% (pet posto) te vrijednosti.

## Član 7.

Ako slučaj više sile, potpuno ili djelimično spriječi izvršenje obaveza po ovom Ugovoru, ugovorna strana je obavezna da obavijesti drugu ugovornu stranu odmah od momenta nastanka više sile.

## Član 8.

Pružalac usluga nema pravo zapošljavanja, u svrhu izvršenja ugovora o nabavci fizičkih i pravnih lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, 6 mjeseci po zaključenju Ugovora.

## Član 9.

Sve eventualne sporove, ugovorne strane će rješavati sporazumno, u duhu dobrih poslovnih odnosa i uzajamnog povjerenja. Ukoliko se sporazumno rješenje ne postigne, nadležan je sud u Sarajevu.

Ugovorne strane su saglasne da se ovaj Ugovor može jednostrano raskinuti pismenim putem. Otkazni rok je 7 dana.

## Član 10.

Ovaj Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.

Ponuda Pružaoca usluga UR „ŽARA IZ DUVARA“ Sarajevo, broj: 1/18 od 08.11.2018. godine i Obrazac za cijenu ponude popunjen na iznos poslije održane E-aukcije, od 03.12.2018. godine.

ZA PRUŽAOCA USLUGA  
DIREKTOR  
  
Sabina Osmanović  


Broj: \_\_\_\_\_  
Dana, 12.12.2018. g.

ZA UGOVORNI ORGAN  
DIREKTOR  
  
dr. Ševkija Okerić  


Broj: UG-143/18  
Dana, 12.12.2018. g.

